



Broj: 04-40-1-130/25
Sarajevo, 11.05.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 10.05.2025. do 08:30 sati 11.05.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 16 manjih intervencija: jedna intervencija na gašenju zapaljenog smeća u kontejneru, jedna na gašenju otpada na otvorenom prostoru, dva izlaska na teren po dojavi o dimu u ugostiteljskim objektima, 11 intervencija obezbjeđenja (9 pretakanja goriva na Aerodromu i dva javna događaja) i jedna tehnička intervencija (asistencija nakon saobraćajnog udesa).

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 9°C, vlažnost zraka 79%, barometarski pritisak 942,5 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Radi provođenja mjera bezbjednog održavanja fudbalske utakmice danas (11.05) od 16:45 do 20 sati obustavlja se saobraćaj u ulicama Bulevar Ivica Osima (od raskrsnice sa ulicama Put Mladih Muslimana i Azize Šaćirbegović do raskrsnice sa ulicom Hamdije Čemerlića) i Topal Osman paše (od raskrsnice sa ulicom Kemala Kapetanovića do raskrsnice sa ulicom Bulevar Ivica Osima).

- Zbog održavanja sportske manifestacije „Sarajevski maraton 2025“ danas (11.05.) mogu se očekivati obustave saobraćaja. Nedjelja 11.05. od 08 do 13 sati održava se Sarajevo maraton (maraton, polumaraton i memorijalna utrka Osman Junuzović) na relaciji Vilsonovo šetalište (kod mosta Ars Aevi)-most Suade i Olge-Zagrebačka-Grbavička-Bulevar Ivica Osima-kružni tok AS- Bulevar Ivica Osima-Topal-Osman paše- Vilsonovo šetalište (kod mosta Ars Aevi cilj Memorijalne utrke)-Vrbanja-Zmaja od Bosne-Bulevar Meše Selimovića-Džemala Bijedića-Sarajevska cesta-Blažujski drum-Vrelo Bosne-Velika aleja-Srednja aleja-Stojčevac (cilj polumaratona)-Velika aleja-IV viteške brigade-Hrasnička cesta-Put Famosa-Istočno Sarajevo-Vahide Maglajlić-Bulevar Mimar Sinana-Želimira Vidovića Kelija-Olimpijska-Safeta Hadžića-Bulevar Ivica Osima-Topal Osman paše-Vilsonovo šetalište (kod mosta Ars Aevi-Cilj).

- Defile old timer vozila u nedjelju 11.05. od 10 do 16 sati na relaciji: Hotel Saraj (početak)-Bentbaša-Telali-Mula Mustafe Bašeskije-Maršala Tita-Hamze Hume-Obala Kulina bana-Kulovića-Trg Susan Sontag (cilj).

- U cilju izgradnje tramvajske pruge Hrasnica-Ilidža izmjenjen je režim saobraćaja. Saobraća se usporeno, uz postavljenu privremenu saobraćajnu signalizaciju.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a